



Inatsisartunut ilaasortaq
Laura Táunâjik
Siumut

Ilinniartut ineqarnermut tapiiffigineqarsinnaaneratt pillugu § 37 naapertorlugu apequtit nr. 2016-77-ip akineqarnera

11-03-2016
Sul.nr.
2016 - 4420
All. nr. 2273158

Asasara Laura Táunâjik.

Ineqarnermut tapiissutit pillugit apequtinnut qujanaq, taakkulu tullingguuttuni akineqasapput.

Postboks 1029
3900 Nuuk
Oqarasuaat: +299 34 50 00
Allak.: +299 32 20 73
Email: lklin@nanoq.gl
www.nanoq.gl

Apequtigineqartut akineqarnissaannut Ilaqutariinnermut, Naligiissitaanermut Isumagininnermullu Naalakkersuisumut ineqarnermut tapiissutinut akisussaasuusumut paasisutissanik piniartoqarsimavoq.

- 1. Ilinniartut meerallit namminneq attartukkamik ineqarsimappata, taakku qanoq allatigut aningaasatigut ikiorsiissutitigut periarfissarpat inigisaminnut akiliinissaminnut?**

Akissut:

Ilaqutariit taakkua ilaqutariit allat assigalugit ineqarnermut tapiissutinik qinnuteqarsinnaatitaapput, tak. Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq.

- 2. Aapparit ilinniartuinnaallutik inimi attartukkami najugaqarunik ilumoorpa akiliutitigut ikilisaavigineqarsinnaanngitsut?**

Akissut:

Ilinniartut aapparit inissiani attartortittakkani najugaqartut ineqarnermut tapiissutinik qinnuteqarsinnaapput, tak. Inissiani attartortittakkani ineqarnermut tapiissutit pillugit Inatsisartut inatsisaat nr. 23, 7. december 2015-imeersoq. Ineqarnermut akiliutit ikilisinniarneqarpata inoqutigii qanoq isertitaqartiginersut apeqqutaassaaq, tak. inissiani attartortittakkani ineqarnermut tapiissutit pillugit inatsit.

- 3. Ilinniarnerminnik ingerlatsiinnarusuttut aningaasatigulli akunnattumik isertitallit qanoq ikiorneqarsinnaappat?**

Akissut:

Ilinniarnernut tunngasuni ilinniarnermi tapiissutit immikkullu tapiissutit ilinniagaqarner-siutit pillugit inatsit nalunaarutillu aqutugalugit aalajangersarneqarput. Taakkua immik-korluinnaq taaneqanngitsut minillugit immikkoortillugit pineqarput, ilinniartut qanoq naju-gaqarnerat apeqqutaatinnagu.

Ilinniartunut namminerisamik ineqartunut tunngatillugu ilinniartut, soorlu apeqqutini 1 aamma 2-mi erseqqissarneqartoq, innuttaasut allat assigalugit ineqarnermut tapiiffigine-qarnissamik qinnuteqarnissamut periarfissaqarput.

4. Ilinniartut kollegiani najugaqanngitsut, inissianili attartortittakkani najugallit oqilisaaffiginiarlugit qanoq Naalakkersuisut periarfissiinissamik suliniuteqarpat? Aamma suliniutit ingerlasimappata qaqugu pinissaat naatsorsuutigineqarpa?

Akissut:

Pineqartut innuttaasut allat assigalugit ineqarnermut tapiiffigineqarsinnaammata Naalak-kersuisut taakkununga suliniutinik immikkut ittunik aallartitsissallutik pilersaarute-qanngillat.

Inussiarnersumik inuulluaqqusilluta
Med venlig hilsen



Nivi Olsen